

ճառագայթներ էին թառում եւ նրանց ներս ընկած կրճերի վրայ հաստ շուքեր էին նւստում :

Սեղանի ետեւ՝ սիւներով եւ արձաններով ծածկուած՝ գունաւոր մարմարների մէջ սեղմըւած, երգեհոնը, ոսկէ վանդակում փակուած արքայական արծուի նման, բաց էր աւնում իր թեւերը, բամբ ձայների վրայ սահում, սուրում վեր, գլուխը դարնում գմբէթին եւ հեծկլտալով վայր ընկնում եւ գետնի վրայ ցաւ եւ ողբ կուտակում :

Եւ որովհետեւ մոմերը բոլոր անկիւններում վառ էին եւ շուքերը անհանգիստ, թոււմ էր որ մարմարների վրայ մեծ մի լուսին է փշրուել :

Երեկոյեան, ժամերդուրեան այս պահին, եկեղեցում շատ մարդ չկայ : Աթոռների վրայ չոքած միշտ նոյն բարեպաշտ պառաւ կանայք եւ հանգստութեան կոչուած ծեր պաշտօնեաները : մի քանի երիտասարդ աղջիկներ, աղօթագիրքը սրտերնին սեղմած եւ իրենց երազուն աչքերը վեր տնկած :

Մարմարէ նստարանների վրայ, երկայն մագերով արուեստագէտներ պատերի վրայ տարակուսանք եւ հիացում էին փնտռում : Ու խումբը անխուսափելի օտարականների, որոնք աղմուկով եւ շինծու հետաքրքրութեամբ ման էին դալիս երբայական պալատի ձեւով տաճարում ու լսում միշտ նոյն շիշերօնի տափակ բացարուծիւնները :

Այնտեղ, սեղանի վրայ, միապաղաղ ձայնով, կրօնաւորների մի խումբ պատասխանում էր երգեհոնին :

Ձայները թրթռում էին, տնքում, փայտէ խշշոցի նման հնչում ու յանկարծ արթնանալով, վախցած աղանիկների նման վեր բարձրանում, պտոյտ դալիս եւ երգեհոնի բացած խոր նիշերի մէջ կուչ դալիս :

— Ես սիրում եմ համեստ ժամերդուրեան այս ժամերը, երբ արարողութիւնը կատարւում է ինքը իրեն համար,— ասում է մօտս կանգնած Էլիօնօրան :

— Իսկ ես եկել եմ միայն քեզ համար :

Բարձրահասակ, երկայն սրունքներ, նուրբ եւ ձկուն գեղեցիկ գլուխ, գրեթէ դասական

գծեր, մեծ փայլուն աչքեր եւ ուռած կոկորդի մէջ կլկլացող հնչուն ձայն :

— Այս տեղ, Սուրբ Մարկոսում, կարծես ամէն ինչ մեծանում, բարձրանում է,— շարունակում է նա,— ամէն ինչ հարստանում եւ փարթանում է...

— Որովհետեւ քո սիրտդ հարուստ է եւ փարթամ...

Լոյսերի խաղ, ոսկի, մոմ եւ այն, տեսանելի, շօշափելի, երազը, որ բոլոր անկիւններին քեզ խօսում է. երազ, որ ապրում է իրական կեանքով եւ որի վրայ ոչինչ չի կարելի աւելացնել, եթէ ոչ մեր գիտակցութեան եւ մեր զգացմունքների համակրութիւնը...

— Դու եւս այդպէս ես, Էլիօնօրա :

Բնում է ձեռքիցս, տանում սեղանի ձախ կողմը :

— Նայի՛ր, չկայ մի բան, որ միւսին նմանի եւ, սակայն, ի՛նչպիսի ամբողջութիւն : Մեր հայրերը գիտէին գեղեցկութեան գաղտնիքը :

Ու կամաց, անաղմուկ քայլերով, մենք շրջում էինք մեծ տաճարի մէջ, կանդ առնելով քանդակների առջեւ, խճանկարների մօտ, մութ կամարների տակ :

Երգեհոնը շարունակում էր նուազել եւ եկեղեցու միւս ծայրին կրօնաւորների ձայները հասնում էին մեզ այլեւս հեռաւոր, խորհրդաւոր մշուշի մէջ կորած :

Ես հանդիպել էի նրան առաջին անգամ Բենեդեկտո Մարչելլոյի սրահում, սիմֆոնիք համերգի ժամանակ : Բարեկամներս ինձ ցոյց տուին նրան, որ ազնուական տոհմի մի անուն էր կրում, որ չնայած իր առաջացած տարիքին, դեռ հրաշալիօրէն գեղեցիկ էր եւ որի մասին ամբողջ Եւրոպան խօսում էր, արքայական իր կապերի համար : Էլիօնօրան նստած էր նրա մօտ, բնածին այն գոռողութեամբ, որ յատկանշական է պատմական անուն կրող ընտանիքներին, եւ միեւնոյն ժամանակ, խօսելու ատեն, պարզ, համեստ եւ ամէնուն մատչելի այն ձեւերով, որոնք համակրութիւն են շարժում եւ հրապոյր :

Ես դիտում էի նրան հեռուից : Մօրը կապոյտ, խորը եւ կլանող աչքերը անհանգիստ